

文淵閣

影印

四庫全書

影印

文淵閣四庫全書

第九〇〇冊

北京出版集團公司
北京出版社

本册目次

太平御覽(八)

宋 李昉等奉敕撰……一

欽定四庫全書

子部
太平御覽卷七百八十七

詳校官中書臣李采

員外郎臣牛稔文覆勘

總校官檢討臣何思鈞

校對官修撰臣吳錫齡

膳錄監生臣朱紱

欽定四庫全書

太平御覽卷七百八十

四夷部一

宋李昉等撰

東夷一

叙東夷

朝鮮

獬豸

三韓
辰韓弁韓附

叙東夷

欽定四庫全書

太平御覽
卷七百八十

尚書堯典曰分命羲仲宅嵎夷曰暘谷

又大誥曰武王崩三監及淮夷叛

周公相成王將黜殷命作大誥

蔡仲之命曰成王東伐淮夷遂踐奄作成王政

又費誓曰魯侯伯禽宅曲阜徐戎並興東郊不聞徂茲

淮夷徐戎並興善穀乃甲冑敵乃干無敢不弔備乃弓

矢鍛乃戈矛礪乃鋒刃無敢不善

左傳僖下曰杞桓公來朝用夷禮故曰子

又成公上莒子曰莒辟陋在夷其孰以我為虞

又襄公六曰杞夏餘也而即東夷行夷禮

又定公下曰公會齊侯於祝其實夾谷孔邱相犂彌言

於齊侯曰孔邱知禮而無勇若使萊人以兵劫魯侯必

得志焉萊人齊所滅萊夷也齊侯從之孔邱以公退曰士兵之

擊萊萊人齊所滅萊夷也兩君合好而裔夷之俘以兵亂之裔遠也非齊君所

以命諸侯也裔不謀夏夷不亂華齊侯聞之遽辟之辟去

萊兵也

欽定四庫全書
太平御覽 卷七百八十

毛詩云苕之華大夫閔時也幽王之時西戎東夷交侵

中國師旅並起因之以饑饉君子閔周室之將亡傷已

逢之故作是詩也

又尹吉甫美宣王也能興衰撥亂命名公平淮夷江漢

浮浮武夫滔滔匪安匪遊淮夷來求

論語子罕曰子欲居九夷或曰陋如之何子曰君子居

之何陋之有

後漢書曰王制云東方曰夷夷者抵也言仁而好生萬

物抵地而出故天性柔順易以道御至有君子不死之

國焉

又曰會稽海外有東鯷人鯷連夷切分為二十餘國又有夷

州及澶州傳言秦始皇遣方士徐福將童男童女數千

人入海求蓬萊神仙不得徐福畏誅不敢還遂止此州

代代相承有數萬家人庶時至會稽市會稽東野縣人

有入海行遭風流移至澶州者所在絕遠不可來往

竹書紀年曰后方即位三年九夷來御曰畎夷千夷方

欽定四庫全書
太平御覽 卷七百八十

夷黃夷白夷赤夷玄夷風夷陽夷

又曰后發即位元年諸夷賓于王門諸夷入舞

又曰仲丁即位于藍夷

白虎通曰夷者蹲也言無禮儀

史系曰天監五年丹陽南山得瓦物高五尺圍四尺上

銳下平蓋如合焉中得劍一資具十數時人莫識沈約

云此東夷罍孟也葬則用之代棺此制度卑小則隨之

時明東夷死則坐塋之武帝服其博識

臨海水土志曰夷州在臨海東南去郡二千里土地無雪霜華木不死四面是山衆山夷所居山頂有越王射的正白乃是石也此夷各號為王分畫土地人民各自別異人皆髡頭穿耳女人不穿耳作室居衆荆為藩障土地饒沃既生五穀又多魚肉舅姑婦男女卧息共一大牀交會之時各不相避能作細布亦作班文布刻畫其內有文章以為飾好也其地亦出銅鐵唯用鹿脰矛以戰鬪耳磨礪青石以作矢鏃刀斧鏹貫珠璫飲食不潔取生魚肉雜貯大器中以瀹之歷日月乃啖食之以為上饒呼民人為彌麟如有所召取大空材材十餘人以着中庭又以大杵旁舂之聞四五里如鼓民人聞之皆往馳赴會飲食皆踞相對鑿木作器飾如槽狀以魚肉腥臊安中十十五五共食之以粟為酒木槽貯之用大竹筒長七寸許飲之歌似犬嗥以相娛樂得人頭所去腦駁其面肉留置骨取犬毛染之以作鬚眉髻編其齒以作口自戰臨鬪時用之如假面狀此是夷王所服

戰得頭着首還中庭建一大材高十餘丈以所得頭差次挂之歷年不下彰示其功又甲家有女乙家有男仍委父母往就之居與作夫妻同牢而食女以嫁皆缺去前上一齒

又曰安家之民悉依深山架立屋舍於棧格上似樓狀居處飲食衣服被飾與夷州民相似父母死亡殺犬祭之作四方函以盛屍飲酒歌舞畢乃懸着高山巖石之間不埋土中作塚塋也男女悉無履今安陽羅江縣是其子孫也皆好猴頭羹以菜和中以醒酒雜五肉臠不及之其俗言寧自負人千石之粟不願負人猴頭羹臠

朝鮮

尚書大傳曰武王勝殷繼公子祿父

祿父紂子也

釋箕子之

囚箕子不忍周釋走之朝鮮武王聞之自以朝鮮封之箕子既受周之封不得無臣禮故於十二祀來朝

史記曰朝鮮張晏注曰朝鮮有濕水列水汕水合為冽

水凝樂浪朝鮮取名於此

汕所晏切

又曰朝鮮王滿燕人也自始燕時嘗畧屬真番朝鮮為置吏築鄣塞秦滅燕屬遼東外徼漢興為遼難守修復遼東故塞至沮水為界屬燕王盧綰反入匈奴滿亡命聚黨千餘人魑結蠻夷服而東走出塞渡沮水居秦故空地上下鄣稍役屬真番朝鮮蠻夷及故齊燕亡命者王之郡王險王險地名會孝惠高后時天下初定遼東太守即約滿為外臣保塞外蠻夷毋使侵盜邊以聞上許之以故滿得以兵威財物侵降其旁小邑真番臨屯皆來

兩將軍未有利乃使衛山因兵威往諭右渠右渠見使者頓首謝欲降恐兩將詐殺臣今見信節請降服遣太子入謝獻馬五千疋及餽軍糧人眾萬餘持兵渡沮水使者及左將軍疑其為變謂太子已服降宜令人毋持兵太子亦疑使者左將軍詐殺之遂不渡沮水復引歸左將軍破沮水上軍廼前去城下圍其西北樓船亦往會居城南右渠遂堅守城數月未能下左將軍急擊之朝鮮大臣廼陰間使人約降樓船往來言尚未肯決天子使濟南太守公孫遂往征之有便宜得以從事遂至以節召樓船將軍入左將軍營計事即命左將軍麾下執縛樓船將軍并其軍以報天子天子誅遂左將軍已并兩軍即擊朝鮮朝鮮相路人韓陶尼谿相參將軍王呬師古曰相路一人也韓陶二人尼谿相參三人也軍王呬四人也呬音頻相與謀使人殺朝鮮王右渠來降王險城未下故右渠之大臣成已又反覆攻吏左將軍使右渠子長降相路人子最告諭其民誅成已遂定朝鮮為真番臨屯樂浪玄菟四郡

漢書地理志曰玄菟樂浪武帝時初置皆朝鮮穢貊句
驪蠻夷殷道衰箕子去之朝鮮教其民以禮義田蠶織
作樂浪朝鮮民犯禁八條如淳曰有其四不見相殺以當時償
殺相傷者以穀償相盜者男没入其家為奴女子為婢
欲自贖者人五十萬雖免為民俗猶羞之嫁取無所憚
是以其民終不相盜無門戶之閉婦人貞信不淫辟其
田民飲食以籩豆都邑頗放效吏及內郡賈人往往以
杯器食郡初取吏於遼東吏見民無閉藏及賈人往者

欽定四庫全書

太平御覽
卷七百八十

夜則為盜俗稍益薄令相犯禁寢多至六十餘條可貴
哉仁賢之化也然東夷天性柔順異於三方之外故孔
子悼道之不行乘桴浮於海欲居九夷有以也

濊貊

魏志曰濊貊國南與辰韓北與高句麗沃沮接東窮大
海今朝鮮之東皆其地也戶二萬餘昔箕子既適朝鮮
作八條之教門戶不閉而民不為盜其後四十餘世朝
鮮侯淮僭稱主陳勝等起天下叛秦燕齊趙民避地東入

朝鮮數萬口燕人衛滿魋結夷服復來王之漢武帝伐
滅朝鮮分其地為四郡自是之後胡漢稍別無大君長

自漢以來其官有侯邑君三老統主下戶其耆舊自謂
與句麗同種其人性慤愿少嗜欲有廉恥不請句麗言
語法俗大抵與句麗同衣服有異男女衣皆著曲領男
子繫銀花廣數寸以為飾自單單大嶺以西屬樂浪以
東七縣都尉主之皆以濊貊為民後省都尉封其渠帥
為侯今不耐濊皆其種也其俗同姓不婚多忌諱每疾

欽定四庫全書

太平御覽
卷七百八十

九

病死亡輒捐棄舊宅更作新居有麻布蠶綿飲食亦有俎
豆曉候星宿豫知年歲豐約嫁娶喪葬之法有似句麗
不以珠玉為寶常用十月節祭天晝夜飲酒歌舞名為
舞天又祭虎以為神其邑落相侵犯輒相罰責生口馬
牛名之為責禍殺人者償死少寇盜作矛長三丈至戰時
數人共持之能步闢樂浪檀弓出其地其海出班魚皮
土饒文豹又出菓下馬漢時獻之正始六年樂浪太守
鄧茂帶方太守弓遵以嶺東濊屬句麗興師伐之不耐

侯等舉邑降八年詣闕朝貢詔更拜不耐濊王居處雜在人間四時詣郡朝謁二郡有軍征賦調供給役吏遇之如民

風俗通曰貊者謹按春秋傳大貊小貊者路也薄也不知送往勞來無宗廟粢盛賦役輕薄也

三韓 辰韓 弁韓

後漢書曰韓有三種一曰馬韓二曰辰韓三曰弁韓馬韓在西有五十四國其北與樂浪南倭接辰韓在東

欽定四庫全書

太平御覽
卷七百八十

十一

十有二國其北與獫狁接弁韓在辰韓之內亦有十二國其南亦與倭接凡七十九國大者萬餘户小者數千家各在山海間地合方四千餘里東西以海為限皆古之辰國也馬韓最大共立其種為辰王都月支國盡王三韓之地其諸國王先皆是馬韓種人焉馬韓人知田蠶作綿布出大栗如梨有長尾雞尾長五尺邑落雜居亦無城郭作土室形如冢開户在上不知跪拜無長幼男女之別少綱紀國邑雖有主帥不能相制御其葬有棺

無柳不知騎乘牛馬不貴金寶錦羅唯重纓珠以綴衣為飾及懸頸垂耳大率皆魁頭露紒魁頭猶科頭也謂以髮紒統成科結

也紒音計布袍草履其人壯勇少年有禁室作力者輒以繩

貫脊皮縋以大木權呼為健善用弓稍矛櫓雖有鬪爭攻戰而貴相屈服俗信鬼神常以五月競祭鬼神晝夜酒食羣聚歌舞輒數十人相隨踏路為節十月農功畢亦如之諸國邑各以一人主祭天神號為天君又立蘇塗建大木以懸鈴鼓事鬼神其南界近倭亦有文身者

欽定四庫全書

太平御覽
卷七百八十

十二

魏志曰馬韓漢桓靈之末韓濊強盛郡縣不能制民多流入韓國建安中公孫康分屯右縣以南荒地為帶方郡遣公孫模張敞等收集遺人興兵伐韓濊舊人稍出是後倭韓遂屬帶方魏景初中明帝遣帶方太守劉昕樂浪太守鮮于嗣越海定二郡諸韓國臣智加賜邑君印綬其次與邑長其俗好衣幘下户詣郡朝謁皆假衣幘自服印綬部從事吳林以樂浪本統韓國分割辰韓八國與樂浪

又曰有州胡在馬韓之西海中大島上其人差短小言語不與韓同皆髡頭如鮮卑但衣常衣有上無下好養牛豕乘舟往來市貨韓中

辰韓

後漢書曰辰韓耆老自言秦之亡人避苦役適韓國馬韓割東界地與之其名國為邦弓為弧賊為寇行酒為行觴相呼皆為徒有似秦語故或名之為秦韓有城柵水室諸小別邑各有渠帥大者名臣智次有儉側次有樊濊

欽定四庫全書

太平御覽
卷七百八十

主

次有殺奚次有邑偕

皆其官名

土地肥美宜五穀知蠶桑作

織布乘駕牛馬嫁娶以禮行者讓路國出鐵穢倭馬韓

並從市之凡諸貿易皆以鐵為貨俗喜歌舞飲酒鼓瑟

兒生欲令頭扁皆押之以石

扁音補典切

魏志曰辰王常用馬韓人作之世世相繼辰王不得自

立為王明其為流移之人故為馬韓所制也其俗男女

有別以大鳥羽送死其意欲使死者飛揚其國作屋橫

累木為之有似牢獄

弁韓

後漢書曰弁辰與辰韓雜居城郭衣服皆同言語風俗有異其人形皆長大美髮衣服潔清而刑法嚴峻其國近倭故頗有文身者初朝鮮王準為衛滿所破乃將其餘種數千人走入海攻馬韓破之自立為韓王王淮後滅絕馬韓人復自立為辰王建武二十年韓人廉斯人蘇馬謨等詣樂浪貢獻

廉斯邑名謨音是

帝封蘇馬謨為漢廉

斯邑君使屬樂浪郡四時朝謁靈帝末韓穢並盛郡縣

欽定四庫全書

太平御覽
卷七百八十

主

不能制百姓亂苦多流亡入韓者

魏志曰弁辰與辰韓雜居亦有城郭衣服居處與辰韓

同言語法俗相似祠祭鬼神有異施竈皆在戶西

太平御覽卷七百八十

欽定四庫全書

太平御覽卷七百八十一

宋 李昉等 撰

四夷部二

東夷二

百濟

夫餘

新羅

百濟

欽定四庫全書

太平御覽
卷七百八十一

北史記曰百濟之國者其先蓋馬韓之屬也出自夫餘王東明之後有仇台篤於仁信始立國於帶方故地漢遼東太守公孫度以女妻之遂為東夷強國初以百家濟因號百濟其國東極新羅北接高句麗西南俱限大海東西四百五十里南北九百里其都曰居拔城亦曰固麻城其外更有五方中方曰古沙城東方曰得安城南方曰久知下城西方曰刀先城北方曰熊津城又曰百濟國王姓夫餘氏號於羅暇百姓呼為難吉

欽定四庫全書

太平御覽
卷七百八十一

三

夏言並王也王妻號於陸口夏言妃也官有十六品左平五人一品達率三十人二品恩率三品德率四品杆率五品奈率六品已上冠飾銀華將德七品紫帶施德八品阜帶固德九品赤帶季德十品青帶對德十一品文督十二品皆黃帶武督十三品佐軍十四品振武十五品剋虞十六品皆白帶自恩率以下官無常員各有部分其人飲食衣服與高麗畧同若朝拜祭祀其冠兩箱加翅戎事則不拜拜謁之禮兩手據地為禮婦人不加粉黛女辮髮垂後已出嫁則分為兩道盤於頭上衣似袍而袖微大兵有弓箭刀稍俗重騎射兼愛墳史有鼓角箏篴箏竿篴笛之樂投壺擲鞠弄珠握塑等戲尤尚奕棋行宋元嘉厯以建寅月為歲首賦稅以布絹絲麻及米等量歲豐儉差等輸之其刑反叛退軍及殺人者斬盜者流其賊兩倍徵之婦犯姦没入夫家為奴婢婚姻之禮畧同華俗父母及夫死者三年居服餘親則葬訖除之土田下濕氣候溫暖人皆山居有巨粟其

五穀雜菓菜蔬及酒醴肴饌之物多同內地唯無駝驢
羊鷄鴨等

又曰百濟國中大姓有八族沙氏燕氏^音氏真氏解

氏國氏木氏苗氏其俗每以四仲月祭天及五帝之
神立其始祖仇台之廟於國城歲四祠之

又曰隋開皇初百濟王餘昌遣使貢方物拜上開府
帶方郡公百濟王平陳之歲戰船漂至海東耽牟羅國
其船得還經于百濟昌資送甚厚並遣使奉表賀平陳

欽定四庫全書

太平御覽
卷七百八十一

三

文帝善之八年復使長史王辯那來獻方物屬興遼東
之役奉表請為軍導高麗頗知其事兵侵其境大業七
年帝親征高麗其王餘璋使國智牟來請軍期帝遣使
尚書起部郎席律詣彼與相知明年六軍度遼東餘璋
亦嚴兵於境聲言助軍實持兩端尋與新羅有隙每相
戰爭十年復遣使朝貢後天下亂使命遂絕

南史曰晉義熙十三年以百濟王餘暎為使持節都督
百濟諸軍事鎮東將軍百濟王宋元嘉三年詔無謁者

閭丘恩子兼副謁者丁敬子徃宣旨慰勞其後每歲遣

使奉表獻方物二十七年上表求易林雜占腰弩文帝

並與之梁天監中進號征東將軍尋為高麗所破衰弱

累年遷居南韓地普通二年王餘隆上表稱累破高麗

今始與通好百濟更為強國五年隆死詔以其子明為

百濟王所都城曰固麻謂邑曰檐魯如中國之言郡縣

其國有二十二檐魯皆以子弟宗族分據之其人形長

衣服潔淨其國近倭頗有文身者言語服章畧與高麗

欽定四庫全書

太平御覽
卷七百八十一

四

同呼帽曰冠襦曰複衫袴曰禪其言參諸夏亦韓之遺俗
云中大通七年累遣使獻方物並請涅槃等經義毛詩
博士並工匠畫師等並給之太清三年遣使貢獻方物
及至見城闕荒毀並號慟涕泣侯景怒囚執之景平乃
得還國

唐書曰百濟國王所居有東西兩城所置內官曰內臣佐

平掌宣納事內頭佐平掌庫藏事內法佐平掌禮儀事

衛士佐平掌宿衛兵事朝廷佐平掌刑獄事兵官佐平

掌在外兵馬事其用法叛逆者死籍沒其家殺人者以奴婢三人贖罪官人受財及盜者三倍追贓仍終身禁錮凡諸賦稅及風土所產多與高麗同其王服大袖紫袍青錦袴烏羅冠金花為飾素皮帶烏革履官人盡緋為衣銀花飾冠庶人不得衣緋紫歲時伏臘同於中國其書籍有五經子史又表疏並依中華之法其國西南海中有三島其上出黃漆樹似小榎而樹大六月取其汁漆器物色如黃金其光自奪目

欽定四庫全書

太平御覽
卷七百八十一

五

又曰武德四年百濟王扶餘璋遣使來獻菓下馬七年又遣大臣奉表朝貢高祖嘉其誠款遣使就冊為帶方郡王百濟王自此歲遣朝貢高祖勞撫甚厚因詔高麗閉其道路不許來通中國詔遣朱子奢往和之又與新羅世為讎敵數相侵伐貞觀元年太宗賜其玉璽書令即停兵革璋因遣使奉表陳謝雖外稱順命內實相仇如故十一年遣使來朝獻鐵甲雕斧太宗優勞之賜綵帛錦袍等

又曰貞觀十六年百濟王義慈興兵伐新羅四十餘城又與高麗和親通好謀欲取党項城以絕新羅入朝之路新羅遣使告急請兵太宗遣司農丞相里玄獎賁書勅告諭兩蕃示以福禍及太宗親征高麗百濟懷貳乘間襲破新羅七城二十二年又破其十餘城數年之中朝貢遂絕高宗嗣位始遣使朝貢六年新羅王金春秋上表稱百濟與高麗鞬靺侵其北界已沒三十餘城顯慶五年命左衛大將軍蘇定方統兵討之大破其國虜義慈及太子隆小王孝演偽將五十八人等送於京師上責而宥之其國舊分為五部統郡三十七城二百戶七十六萬至是乃以其地分置熊津馬韓東明等五都督府各統州縣立其酋渠為都督刺史及縣令命左衛郎將王文度為熊津都督總兵以鎮之

欽定四庫全書

太平御覽
卷七百八十一

六

又曰百濟王義慈事親以孝行聞友于兄弟時人號海東曾閔及至京數日疾卒贈金紫光祿大夫衛尉卿特許其舊臣赴哭送於孫皓陳叔寶墓側葬之

夫餘

後漢書曰夫餘國在玄菟北千里南與高句麗東與挹
樓西與鮮卑接北有弱水地方二千里本濊地也初北
夷索離國王出行其侍兒於後妊身王遂欲殺之侍兒
曰前見天上有氣如大鷄子來降我因以有身王囚之
後遂生男王令置於豕牢豕以口氣噓之不死復徙於
馬欄馬亦如之王以為神乃聽母收養名曰東明東明長
而善射王忌其猛欲殺之東明奔走南至掩淲水以

欽定四庫全書

太平御覽
卷七百八十一

斯音水以

弓擊水魚鼈皆浮水上東明乘之得度因至夫餘而王
之焉於東夷之地最為平敞土宜五穀出名馬赤玉貂
豹大珠如酸棗以員柵為城有宮室倉庫牢獄其人麤
大勇強而謹厚不為寇鈔以弓矛為兵以六畜名官有
馬加牛加狗加其邑落皆主屬諸加飲食用俎豆會
祠拜爵洗爵揖讓升降以臘月祭天大會連日飲食
歌舞名曰迎鼓是時斷刑獄解囚徒有軍事亦祭天殺
牛以踰占其吉凶行人無晝夜好歌吟音聲不絕其俗

用刑嚴急被誅者皆沒其家人為奴婢盜一責十二男
女淫皆殺之尤惡妬婦既殺復尸於山上兄死妻嫂死
則有槨無棺殺人殉葬多者以百數其王葬用玉匣漢
帝預以玉匣付玄菟郡王死則迎取以葬焉建武二十
五年夫餘王遣使奉貢光武厚答之於是使命歲通至
安帝永初五年夫餘王始將步騎七八千人寇鈔樂浪
殺傷吏人後復歸附永寧元年乃遣嗣子尉仇台詣闕
貢獻天子賜尉仇台印綬金綵順帝永和元年其王來

欽定四庫全書

太平御覽
卷七百八十一

獻帝時其王求屬遼東云

魏志曰夫餘本屬玄菟其俗有敵諸加自戰下戶俱擔
糧飲食之其死夏月皆用冰有槨無棺停喪五月以久
為榮其居喪男女皆純白婦人著布衣而去環珮大體
與中國相類漢末公孫度雄張海東威服外夷夫餘王
尉仇台更屬遼東時句麗鮮卑强度以夫餘在二虜之
間妻以宗女正始中幽州刺史母丘儉討句麗遣玄菟

太守王頎詣夫餘王位居遣大加郊迎供軍糧舊夫餘俗水旱不調五穀不熟輒歸咎於王或言當易或言當殺其印文言滅王之印國有故城名滅城蓋本滅貊之地而夫餘王其中自謂亡人抑有以也

晉書曰夫餘國至太康六年為慕容廆所襲破其王依慮自殺子弟走保沃沮武帝以何龕為護東夷校尉明年夫餘後王依羅遣使詣龕求率見人還復舊國遣督護賈沈以送之爾後每為廆掠其種人賣於中國帝又以

欽定四庫全書

太平御覽
卷七百八十一

官物贖還禁市夫餘之口自後無聞

新羅

秦書曰苻堅建元十八年新羅國王樓寒遣使衛頭獻美女國在百濟東其人多美髮髮長丈餘

又曰苻堅時新羅國王樓寒遣使衛頭朝貢堅曰卿言東海之事與古不同何也答曰亦猶中國時代變革名號改易

南史曰新羅魏時曰新盧宋時曰新羅或曰斯羅其國

小不能自通使聘梁普通二年王姓募名泰始使隨百濟獻方物其俗呼城曰健牟羅其邑在內曰咏評在外曰邑勒亦中國之言郡縣也國有六咏評五十二邑勒土地肥美植五穀多麻桑蠶布服牛乘馬男女有別其官名有子賁早支壹早支齊早支謁早支壹吉支奇貝早支其冠曰遺子禮襦曰尉解袴曰柯半靴曰洗其拜及行與高麗相類無文字刻木為信語言待百濟而後通焉

欽定四庫全書

太平御覽
卷七百八十一

北史新羅者其先本辰韓種也辰韓始有六國後稍分為十二新羅則其一也或稱魏將毋丘儉封高麗破之奔沃沮其後復歸故國有留者遂為新羅亦曰斯盧其人雜有華夏高麗百濟之屬兼有沃沮不耐韓濊之地其王本百濟人自海逃入新羅遂王其國初附庸百濟百濟征高麗不堪戎役後相率歸之遂至強盛因襲百濟附庸於迦羅國焉

又曰新羅王真平以隋開皇十四年遣使貢方物文帝

拜真平上開府樂浪郡公新羅王其官有十七等一日
伊罰干貴如相國次伊尺干次迎干破彌干次大阿尺
干次阿尺干次乙吉干次沙咄干次及伏干次大奈摩干
次奈摩次大舍次小舍次吉士次大烏次小烏次造位
外有郡縣其文字甲兵同於中國選壯健者悉入軍烽
戍邏俱有屯管部伍風俗刑政衣服畧與高麗百濟同
每月旦相賀王設宴會班賚羣官其日拜日月神主八
月十五日設樂令官人射賞以馬布其有大事則聚羣

欽定四庫全書

太平御覽
卷七百八十一

十二

官詳議定之服色尚畫素婦人髢髮繞頭以雜綵及珠
為飾婚嫁禮唯酒食而已輕重隨貧富死有棺斂葬送
起墳陵王及父母妻子喪居服一年田甚良沃水陸魚
種其五穀菓菜鳥獸物產畧與華同大業以來歲遣朝
貢

唐書曰新羅王所居曰金城周七百里衛兵三千人設
獅子隊文武官凡有十七等武德四年其王金真平遣
使朝貢高祖遣使賜以璽書及畫屏風錦綵自此朝貢

不絕其食器用柳栝亦以銅及瓦國多金朴兩姓異姓
不為婚

又曰貞觀五年新羅遣使獻女樂二人皆鬢髮美色太
宗謂侍臣曰朕聞聲色之娛不如好德且山川險遠懷
土可知近日林邑獻白鸚鵡尚解思鄉訴請還國鳥猶
如此況人情乎但愍其遠來思戀親戚宜付使者聽其
還家

欽定四庫全書

太平御覽
卷七百八十一

十三

又曰新羅王真平卒無子立其女善德為王貞觀
九年遣使冊命善德為樂浪郡王新羅王十七年遣使
上言高麗百濟累相攻襲亡失數十城兩國連兵意在
滅臣社稷謹遣陪臣歸命大國乞偏師救助後太宗將
親征高麗詔新羅纂集士馬應接大軍新羅遣大臣領
兵五萬入高麗南界攻水口城降之

又曰新羅王善德卒立其妹真德為王貞觀二十二年
真德遣其弟國相伊贊子金春秋及其子文正來朝春
秋請詣國學觀釋奠及講論太宗因賜以所制溫湯

及普祠碑並新撰晉書將歸國

又曰永徽元年新羅王真德大破百濟之衆遣其弟子法敏以聞真德乃織錦作五言太平頌以獻其詞曰大唐開洪業巍巍皇猷昌止戈成大定修文繼百王統天崇雨施理物體含章深仁誥日月撫運邁時康幡旗既赫赫鉦鼓何鏗鏘外夷違命者剪覆被天殃淳風凝幽顯遐邇競呈祥四時和玉燭七耀巡萬方維岳降宰輔帝任忠與良五三成一德昭我家大唐帝嘉之拜法敏為大府卿

欽定四庫全書

太平御覽
卷七百八十一

又曰永徽六年百濟與高麗靺鞨興兵侵新羅北界其王春秋遣使上表求救顯慶五年命左武衛將軍蘇定方為熊津道大總管統水陸十萬仍令春秋為岬夷道行軍總管與定方討平百濟俘其王扶餘義慈來獻自是新羅漸有高麗百濟之地其界益大西至于海又曰龍朔三年詔以新羅國為雞林都督府授其王金法敏為雞林都督法敏卒其子政明嗣位垂拱二年遣

使來朝因請唐禮一部並雜文章則天令寫吉凶要禮

並於文館詞林採其詞涉規誡者勒成五十卷以賜之

又曰開元二十五年新羅王興光卒玄宗遣左贊善大

夫刑璫往弔祭並冊其子承慶為新羅王璫將發上製

詩序太子以下及百僚咸賦詩以送之謂璫曰新羅號

君子之國頗知書記有類中華以卿學涉善於講論故

選充此使到彼宜闡揚經典使知大國儒教之盛又聞

其人多善奕棋亦令善棋人率府兵曹楊季鷹為之副

欽定四庫全書

太平御覽
卷七百八十一

璫等至彼大為蕃人所敬其國高卑皆出季鷹下於是

厚賂璫等金寶及藥物

又曰大歷七年新羅王金乾運遣使金標石來賀正八

年又遣使獻金銀牛黃魚牙納朝霞紬等

又曰元和三年新羅王金重興遣使金力奇來朝力奇

上言真元十六年奉詔冊臣故主金俊邕為新羅王母

申氏為太妃妻叔氏為王妃冊使韋丹至中路知俊邕

薨其冊却回在中書省今臣還國伏請授臣以歸勅金